

復堂文續卷四



94432

復堂文續卷四目錄

章先生家傳

許府君家傳

莊仲求小傳

七友傳

亡友傳

羅大夫家傳

吳府君家傳

金府君家傳

復堂文續

卷四目錄

烏程南潯周氏二世家傳

東埭居士傳

章府君家傳

許教授家傳


陶編修傳

陶府君家傳

嚴容孫傳

楊都轉家傳

胡府君家傳



刻鴿齋藏板

董處士家傳

陸生傳

黃姚二烈婦傳 黃節婦事附

鮑母黃夫人家傳

書會稽董母

沈布政使行狀

貞孝金女傳

復堂文續

卷四 目錄

二 刻鶴齋藏板

貞孝金女傳

沈布政使行狀

書會稽董母

鮑母黃夫人家傳

黃姚二烈婦傳 黃節婦事附

陸生傳

董處士家傳

復堂文續卷四

章先生家傳

章先生學誠字實齋會稽世族生而質魯賦稟瘠弱少入塾讀書百餘言猶亟亟不赴程已而日親墳籍不樂事章句少長披覽子史識去取久之洞明著作之本末交餘姚邵晉涵氏益推究古近史家之學嘗出游客馮兵備廷丞所與休甯戴震江都汪中皆兵備所敬禮而所學異趣先生學長於史嘗謂六經皆史書與春秋同原詩教最廣太史陳之官禮制作與大易之制憲明時聖王經世之大皆所以爲史也以故秀水鄭虎文推先生爲良史才成乾隆戊戌進士官國子監典籍恒就南北方志之聘創州縣立志科方志立三書議世未能盡用也畢尙書沅總督湖廣延撰湖北通志書成而論者詆媿先生條辨之今所論定和州永清亳州天門諸志或傳或不傳而湖北通志亦非先生之舊矣論課蒙學文法畧曰使孺子屬文雖僅片言數語必成其章當取左氏論事君子設辭熟讀而仿爲之孺子能讀左傳者未必遂能運

用今使仿傳例爲文文卽用以論事是以事實爲秋實而議論爲春華矣左氏春秋稱述易書詩禮孺子讀經傳而不知所用則分類而習其援經證傳之文辭擴而充之根柢深厚初學先爲論事繼則論人論事之文明暢疏通知遠本於書教論人之文含蓄抑揚咏歎本於詩教是則於左氏春秋之業思過半矣童孺知識初開甫學爲文必有天籟自然之妙非雕琢以後所能及也譬若小兒初學字畫時或近於篆籀非工楷以後所能爲也迎其機而善導參之以變化故自論事論人以下諸體迭變復又使之環轉無窮所謂一尺之捶日取其半而終身用之不竭也與友書畧曰考論人物向爲同志商定條例曾刊印格標爲讀史年譜旁行十道首行甲子次行紀年凡涉十年年甲一板如唐三百年三十板足矣前後空編甲子三數板俾生隄時卒五代時之人皆竟顧末餘史均可類推其人止載姓名生卒年月下注某紀某傳篇名出處則翻閱時一切考證均可照注自尋本文若兼載他事則例不純而功亦難竣外戚列女隱

逸方技姦臣佞幸凡見史策中者無一不收至於紀年之恣正統偏安均照各史編年如三國志各自爲書各編譜首各分年甲各注本國之人可矣僭竊載記其國並無本史然後以十六國仍晉年九國仍五代年旣以讀史年譜爲名分合之例一以本史爲斷可也先生文不空作撰原官禮而有得於向歆父子之傳每一篇成恒寫寄友人人間傳錄多有同異所撰通義數十萬言嘉慶辛酉先生卒時曾以藁艸寄蕭山王宗誠爲次目錄道光壬辰次子華綬寫定文復堂文續

卷四

三 刻鵠齋藏板

史通義內篇五卷外篇三卷校讐通義二卷刻於大梁

譚獻曰通義寫本得讀於廈門大梁板刻浙東兵後獻渡漸江訪得於會稽周氏祠堂亦闕佚矣出篋中舊本補刻於杭州書局印行廣州有伍氏叢書本近歲先生後裔又重刻於黔於是來學日開遺書津逮矣獻所得遺藁一二未刻雜篇要刪如右庶幾布之章氏家塾四方承學就傳之士以時興起云爾

許府君榿字叔夏別號珊林浙江海甯州人祖充仁
父士斌嗣伯父士廉後生而絕慧讀書能推究民物
與弟楣篤志經術精治六書尤明律學如窮經嘉慶
二十四年舉優行貢生遂舉鄉試中道光十三年進
士直隸知縣未赴官薦修國子監金石書成改知
州選授山東平度始蒞事如老吏有叔父與從子訟
遺產歷二十餘年不決府君引之前曰爾爭財久費
不訾矣訟不決財且罄曷思之訟者思之則曰今官
爲爾中分之惟均訟止河漫州田遂逋賦多逃亡則
復堂文續

卷四

四 刻鵠齋藏板

勸佃作且墾且治河逃者遲久歸田不必歸主開大
河一支河二州不病水賦大入善治盜高海者獨身
手長刀人莫敢近捕人田文良伎與抗方以事繫釋
之名捕海刀仗接久之海刀落就禽文良中傷死李
美亦自獄出捕劇盜孔大烈得之於是平度幾無盜
後官徐州知府則彭城徐四號將軍二十年淫殺無
算屢就執數逸府君至以計禽之論斬並誅其子廷
高牧平度八年以治獄名鄰有疑獄大府輒以昇府
君無不結正或平反者而平度無畱獄尤畱心屍傷

痕損訂洗冤錄詳義宋慈惠父以來始有定本天下
刑官皆師之云任淮安時久不雨巨室田在上游邊
水源下游田悉槁嘗眩前知府刻石曰水大則開水
小則閉府君曰水大則壑於鄰水小則不下注吾不
能欺今易之水大則閉水小則開勿龍斷也道光二
十九年江東大水濱江田舍成巨浸府君署鎮江知
府上官日卽部分數百舟載災民入城內外祠廟佛
寺旣徧則爲苦蔽之比冬水落乃資之歸婦嬰全活

尤眾府君曰在舟中親見羣屍浮水下余任事先三

復堂文續

卷四

五刻鶴齋藏板

日殆可多活萬人也守徐州日河決沛縣民未沒者
山居露宿多爲齏餌親權小舟犯溜活之請大吏振
之粟拯十萬人他郡好義者載麥助焉權江蘇糧儲
道方改海運散遣內河水手部勒周密無譁者府君
吏事精敏然日不廢學洞明古篆源流研精說文解
字以爲吾一家之學也寢饋久羅致海內已刻未刻
諸書而以鈕樹玉攷異王筠釋例句讀爲絕詣纂說
文解字統箋巨編高數尺未寫定寇亂散佚別纂識
字畧依韻戢香非初志也攷定金石文字手自鉤櫚

古均閣寶刻錄行世不及十一府君工篆隸書執茂
密與弟楣辛木齊名又通醫術博習羣書往往校正
刊布有咽喉脈證通論倪氏產寶徐評外科正宗咸
豐間兵事大起府君流寓轉徙淪失書策時已篤老
神明不衰年七十六卒於如皋服官垂三十年興革
利弊必果鉏惡必嚴居勞怨之地恒人所不堪毅然
任之讀書力學亦好爲其難鉤稽務盡曲折箸書不
悉傳承學之士深愜焉子誦恒舉人 召試中書署
長蘆鹽運使誦嘉鎮海學官誦宣拔貢生江蘇江甯
復堂文續

卷四

六 刻鶴齋藏板

知縣誦咸早卒頌鼎原名誦年舉人今官山東平度
知州淮祥原名誦禾舉人冑弟皆以優行登賢書繼
府君後士林歎爲屢見長孫景福四川保甯知府諸
孫某某

年家子譚獻曰珊林先生儒林大師以六書名其家
者也獻少交景福於京師後與頌鼎同舉於鄉淮祥
讀書杭州尤相得習聞緒言遺書散失後尙多校錄
善本亦獲讀於二子也獻於先生云私淑艾者矣治
平度最久民免於水治田大穫麥秀兩歧且三岐先

生不以瑞告與農氓相安無事今年生頌鼎嗣先
惠牧此土遺民當益親古有理縣譜傳之孫子者許
氏當之矣

莊君仲求小傳

莊君士敏字仲求爲武進望族世有名惠父煜咸豐
三年舉人字晴谷客中獻接於分水史令君官齋與
聞常州諸老問學源流實始於此時爲咸豐七年納
交仲求則同治之初君退然孺子之色仁孝人也方

常州兵事亟君母氏殉變最烈事具君先妣事畧比
復堂文續

卷四

七 刻鶴齋藏板

寇難小定孤子泣血尋求遺骸封土識之後建家祠
卽其地也性好交游杭州道義之友有許增邁孫張景
祁韻梅皆雄駿君子客於荷澤馬公湘鄉楊公書檄
旁午而獻過其齋簡策鱗次丹黃不去手方治三國
志對正博碁夙昔未聞者也尤精駢儷文洞明晉宋
以下正變與獻語未嘗不引爲同聲有知聞異義則
斷斷如也君困鄉舉以府同知官福建歷游幕府治
軍理賦入聞見博遠故福建臺吏待以國士君亦爲
之盡與言侃侃不阿詘何督部璟引若師友會震浦

多盜乃以君高資行縣令莅官果銳治事連日夜保
甲法行萑苻之澤望風掃跡境內安枕夏六月曠徽
輿蓋閔祈雨降歲孰而君疾病遂卒於官時光緒五
年年四十六耳君神明湛如讀書致精應務則才謂
開發不事苛細著書未成方試於吏遽以暍死獻在
皖聞君隊輿隕齒方馳書起居而不意君以死勤事
也初君從丁撫部治臺灣軍書論功擢知府牒下君
已卒子澤誠蘊寬能讀父書

故人譚獻曰君能思思齋遺文楊遜阿大令箸錄十
復堂文續

卷四

八

刻鶴齋藏板

篇在大亭山館叢書淵乎何朗詣也遜阿與君泊吾
鄉楊雪漁編修在浙江撫部幕府三人者同校李申
耆先生駢體文鈔仲求尤精覈當以善本遺饒學子
獻謙官歸假二楊本過錄之蓋如見仲求顏色也

七友傳

譚獻曰夫氣合則蘿袞一
致性通則金石不渝大易
盍哉之筮伐木切直之義
大哉友乎而小子有痛焉
少孤羸迺傷于貧無門戶
以招致無縞紵以結歡志
學以往出門而有功過失
以磋厲亦振救於乏絕也

平生童冠之游汜乎二毛里開慕悅十餘人中先朝
露者風流頓盡郢人逝矣臣之質死矣若二高之華
實吳袁之尙志君子人與君子人也小子學行無能
從君子之後言念疇昔肝鬲之示誠信之結非徒魂
夢之尋實亦妻子共喻後死故人習於立身之本末
盍可不次第其行事以告數姓之子孫何暇揭糈於
後世乎乃若喪亂而後末由訪其後嗣者則告吾之
子孫而已不重可哀哉作七友傳

陳炳字雲欽仁和人譚獻十七歲時同塾讀几席相
復堂文續 卷四 九 刻鵠齋藏板

接也晨夜執經交質所疑乃曰士希賢賢希聖聖希
天人道至大盡人而後天吾儕童幼希人而已時炳
長獻二年兄事之聞同學談科目利鈍輒私語獻曰
讀書不爲是也補弟子員各以貧瘁爲童子句讀師
無旬日不相見兩家老母亦不以爲賓也漸讀史苦
無書里塾通鑑綱目節本乃成誦時覺儒先論議或
苛細或迂怪畏慎蓄疑而已喜獻小詩曰子詩頗不
俗然取文選唐人詩並讀聲音入耳輒不同吾耳非

邪子手非邪獻爲竦然後益覽觀古今作者剖析其

節奏有微悟乃絕意不肯作詩已而夏氏延君課子曾傳字薪卿者絕慧十二歲能詩得師論益精審無凡語矣以夏氏招要游京師二年獻相繼入京其游處如家居時獻客閩後炳教授故鄉時時存問獻老母爲諸生業乃好明季諸名家文含思古澹連歲不售賊犯杭州兄弟奉母走渡江不知所終亂定獻自閩還叩炳所親則曰雲欽死矣

俞之俊字士升仁和人幼從父遠游歸始就塾英英倍常童道光二十八年與譚獻同讀書友善論文爽

復堂文續

卷四

十 刻鵠齋藏板

俊不主故常志聞達養母是年補諸生明年試卽高等再赴鄉闈中辛亥舉人年甫踰冠詩老魏謙升以女妻之乃爲延譽鄉先生沈文忠公尤賞異焉嘗延之江西學政幕中旣授室魏女侏儒不慧恒如十許歲兒之俊大志願母教嚴婦家又持之不得納妾遂自放也乃益驚名位咸豐六年成進士臚唱名在弟六不得入翰林官戶部尤失望然在官吏事舉胥吏不能欺文忠長戶部方倚重之然之俊勤恁意終忽忽不樂丁母憂後復入部則文忠督陝甘道殂之俊

獨身居館舍不事事晝暝夜起以爲常友朋罕識其
面遭寇破家魏翁殉難之後聞之咄咄而已日益羸
病遂不起有兄之彥亂後尙與獻相見縷縷言疇昔
周旋獻十八九歲兩家相距里許晨暮過從借書猶
憶始見兩漢書三國志皆借之其家也

高炳麀字昭伯自號我盦仁和貢生祖芝檢公學道
謙讓嘗辭孝廉方正舉不就徵父古民先生淵穆有
文著友石齋詩集累世問學有家法炳麀孩提乳媪
抱中墮地一目損生有異秉讀書銳敏識解尤異童
復堂文續

卷四

十一 刻鶴齋藏板

年卽好古文辭討論其善否然訥於言不樂廣坐酬
對也古民先生好客往還多賢達炳麀侍親側得長
者餘論則陳書求其同異旣冠與譚獻定交平居相
厲以義旣以詩推之又往復論文有三書見遺艸嘗
欲撰古文辨學卒以善病未篡定也炳麀性篤摯一
疑未徹恒廢寢食得之乃已蓄用世志居默默憂亂
時兵起先事策之私語譚獻多驗旣苦目眚自顧不
治煩疇恒抑抑病時作時止少卽好釋氏書嘗養病
崇福寺益與僧杲軒多所參證哀樂漸與人殊東南

寇亂日盛炳麀寡交而譚獻吳懷珍輩遠去四方乃
讎客久且廢書策炳麀詩文學韓退之詩不多作爲
文渾渾入古不囿於退之一家似不欲入宋人流派
然未嘗自道也病中忽取叢殘彙艸摧燒之有先呈
古民先生及二弟所收僧杲軒所鈔文八九篇詩二
十餘首而已高氏世居山陰前梅杭州再亂古民先
生挈家避地渡江越五載同治三年杭州始定故宅
厯完先生先歸葺治炳麀尙與家人在會稽又一年
病終不治四年五月炳麀卒年三十四譚獻閩中歸
復堂文續

卷四

三 刻鴿齋藏板

不得相見與炳麀弟驂麟雲麟惛哭相向也二弟學
行方箸侷於時語及伯兄輒曰淵淵聞道不及兄也
子爾夔溫文好古錄我盒遺文一卷附友石齋集以
傳

高望曾字穉顏號茶菴仁和人少擅文譽好交游跌
躄有奇氣恒傾其坐人世父中書君學沅中憲君錫
恩教諭君學治文行爲鄉國表儀咸器異之又與羣
從兄弟傳錦炳麀輩左右論議詩文援筆立就交楊
錦雯張景祁填詞尤雅令稍壯客游日多所至皆與

賢士友善吳人王復宋志沂而外南北且數十人杭
州再被寇老母妻女皆殉變望曾故疏放至是盡傷
轉徙江淮間益以飲博自縱弛則與故交如景祁及
譚獻丁丙亂定相見密坐素歛豪態頓盡先後試有
司終已不上第乃以貲爲府同知官福建非所樂也
上官稍以文士禮遇之凡再署將樂令連筦釐榷望
曾治事不苛媿民親之估客無怨言然疏闊猶昔負
官錢不能償境日困遭亂家燬再納妾無子有女適
士人某嫁女之夕方對客飲忽焉入室病遂卒時景
復堂文續

卷四

三 刻鵠齋藏板

祁以翰林改官福建知縣稍經紀其喪望曾卒年五
十二從子某嗣有茶夢盦詩四卷詞二卷

陳炳文字友竹烏程縣學生年三十餘道光二十九年
己酉鄉試寓杭州王氏廬時同居譚生獻年十八
歲立談投分炳文下第還旬月書間相望以節行自
期許遂相勸勉也假僧廬習靜人見其陳案上者史
傳及小學近思錄曰君方結夏爲入闈計安用是爲
笑謝之時獻銳意爲五七言詩乃馳戒之以爲不如
多求儒先書治氣以養志人子之身驚此浮藻則敦

樸易散古詩人不易爲今詩人不足爲也食貧待館
穀以爲家旣謝生徒侘傺不自得病數月遽卒方炳
文下第日與獻約後試必主子家子貧不能供客子
當載米來耳吳興蟹美每付夜航餉譚生炳文卒後
譚生食蟹至啜泣譚生二十餘歲遠游與炳文家人
絕不相聞但知炳文死時寡婦煢然似未有子也

吳懷珍字子珍錢塘人舉咸豐二年壬子鄉試考取
教習少與周炳元郁齋沈瑜崑生蔡鼎子鼎友善交
譚獻仲修在癸丑會試報罷南旋時從弟鳳藻方以

復堂文續

卷四

十四 刻鵠齋藏板

一甲進士入翰林典試福建懷珍治古文辭習兵家
言粵寇起懷槩自負每與諸子登吳山高處席地痛
飲日落無佗人悲歌叱咤山谷應之下山曠黑相掖
持行吟不輟論兵主李廣論文主蘇軾詩學中唐有
異議者面赤手拍案爭之必申其說乃罷新城袁生
卧字雪安懷珍中表尤權奇自喜賦五言詩絕似孟
浩李白困甚走杭州懷珍與譚獻外恒嫚罵先懷珍
三年死懷珍公車數上當世名流傾倒者眾仍歲被
放久留都下則不得養母鳳藻仕宦亦久不進進退

次且旅人牢愁意氣亦少衰矣兵事日亟中外震動
懷珍抱奇無以自表見日荒燕遂中危疾卒於鳳藻
邸舍旅殯妙光閣數年後嗣子正濂奉以歸葬懷珍
母妻當咸豐十年杭州陷日投水殉難一子九齡亦
沒於水正濂以兄子嗣當年吳山之游惟蔡鼎譚獻
尙在懷珍撰箸散佚譚獻刻待堂文九首詩二十篇
戊午後偶學填詞寓意輒工求之不可得矣

袁鳳桐字蓮伯江西宜春人流寓杭州父某官河南
知府鳳桐嘗爲某大府掌書記故侯琦善督師揚州

復堂文續

卷四

五刻鶴齋藏板

大府屬以箋記橐鳳桐詆侯遂謂大府貢諛即日襍
被行乃歸杭州當是時邵比部懿辰養親方歸伊先
生樂堯窮經教授鳳桐承長者教訪譚獻陋巷中相
見卽舉安溪易學桐城古文勸厲之謂君好古經說
治文選學先正所謂詞人不聞道者固不願子學之
獻氣方盛斷斷致辨亦無迂也二人者交日親所學
則終以不合獻從德化萬侍郎入都鳳桐爲文贈行
以力學慎出入爲規獻殊愧其言父卒陳州官舍奔
喪將母營葬西湖無何賊至邵伊二先生歿難鳳桐

亦走外上海其弟鳳翥葬之瑞雲山鳳桐讀易尚書
欲有所述造手寫宋元舊說積彙艸盈尺鳳翥十數
年前客武昌或云爲贅婿達官家今不知其蹤迹
友七人鄉里納交久要不忘平生之言者也小子二
十五歲北游明年客閩居六年歸公車往來七八年
應官又十餘年則七人者皆不復見欲人爲之傳輟
簡數四謝事杜門乃得孽悲屬艸南北故人傷離感
逝無歲無之朱廉卿莊中白戴子高陶孝邈之流文
章行誼獻尚思一一論次之尋省盟誓哀白日之寢

復堂文續

卷四

去 刻鵠齋藏板

馳長生久視誠無謂也哉

亡友傳

獻自皖歸撰七友傳而平生故人凋落殆盡所遇無
故物焉得不速老昔人所悲會稽章實齋先生有亡
友傳愴焉繼之

蔣恭亮字賓梅錢唐諸生好爲詩歌不事科舉游淮
揚間跌宕文史聲譽日起歸里僦居西湖吟獻自得
嘗次第同人姓名爲酒榜大都蕉萃之士所以寓意
也族弟坦張左鉞朱孝起文字交最契獻亦與焉兵

起蓋死於亂遺詩散佚

左鉞後
名景祁

蔣坦字藹卿錢唐諸生早慧工詩家本素封所居巢園有亭榭藝藥之勝別墅曰枕湖吟館亦蕭曠也室人關鎮號秋芙女士唱隨爲樂顧家中落君復不事生產恒割畝典衣裘刻書結客年未四十貧矣初存詩曰萼天月地吟多溫李體亦好李賀奇麗也已而悔之散朗高遠取法陶杜有息景盦詩於鄉邑先進似陳大令文述前之碧城仙館詩後之顛道堂集也又撰西泠閨詠厲太鴻游仙詩注百合詞凡三四十

復堂文續

卷四

七
刻鴿齋藏板

卷關鐺亦有夢景詞一卷杭州陷賊君避地度江就甬東故人一舟數尺襪被而外叢殘書卷尙數百策是時婦前卒君日困瘁竟死故人家也

朱孝起字廉卿錢唐諸生未冠有聲學校祖某某年進士病廢於家父某某年舉人困會試歿京師廉卿孤貧能文章老成皆重之頗以窮愁自放時於廣坐語侵富貴人號醒狂蓋飲不盡一蕉葉也秋雨木落同獻步叢豕閒抗聲誦所作詩文俄而大哭爲詩摧落凡豔曲達其哀息多古今人所未言遭亂走河南

爲書記益鬱鬱亂定數年年且五十尙一應鄉試捐職教官卒不得選授以客死

沈瑜字崑生錢唐諸生少豪俊喜交游意氣相許兵起從某將軍江上率十二艇卒三百人轉戰有功一夕烈風折柁君抱巨鐵礮總舟尾連下三礮舟得不覆風定絙之起磨洗如精鏐矣將軍者死士卒散君以杭州收復後歸仍治諸生業蹶弛自負金錢入手輒盡好飲博狎游見者不知爲寒峻也文有奇氣場屋閒俺得俺失偶爲桐廬令客年餘忽病自言有祟復堂文續

卷四

六 刻鵠齋藏板

之者日延浮屠禮佛數十日竟死

周炳元字郁齋亦曰伯虎與吾輩游處多放言然性實狷絮世事無所苟通天文占諛夜觀星露立中庭恒咄嗒逢旦治舉子業澹遠似百年以前人咸豐己未科副榜貢生次年賊陷杭州老父病甚不能避無全理君抱持泣血乃父子同杯仰藥罵賊死

王汝霖字少梅與奇士曇同宗杭州舊族也少貧乏授室有吉日而昏費亡所出備甚伸紙作書與獻論天下兵事二千餘言形劄如覩後五季語多驗杭州

圍初合君走城樓謁王撫部有齡請築甬道十里以通饟餉堅守待援某偏將在側毅然願率所部護之議七日不決而胡光墉買米又不時至比入鼈子疊則道已斷城內餓死者數十萬人君陷賊不死亂平後中同治庚午舉人甲戌進士官江西知縣善擊斷號健吏以獲鄰盜功膺薦補弋陽令將之官歐血死於南昌亡子友人袁昶有哀王君述

程耀采字心梅錢唐人好爲小詩填詞篆刻未必工頗自憙館何氏日與獻居咫尺朝夕談藝已傭書上復堂文續

卷四

五 刻鶴齋藏板

海遭亂不能歸遽死不娶亡子噫窮矣

龔公襄字公襄仁和監生上海兵備道閻齋先生孫禮部主事定盦先生子龔氏之學旣世時海內經生講東漢許鄭學者日敝君乃求微言於晚周西漢摧陷羣儒間者震駭尙書二十八篇分別伏孔讀定之理三家遺說廣以史記漢書正毛詩敘義爲詩大誼又撰形篇名篇推究許書皆持之有故非妄作也治諸生業久不過兵閒以策于大帥不能用鬱鬱亡所試遂好奇服流寓上海歐羅巴人語言文字耳目

一過輒洞精西人在中土者且師事之咸豐十年英
吉利入京師或曰挾龔先生爲導君方以言龔酋長
換約而退而人閒遂相訾訾君久居夷場洞識情僞
蘇杭相繼陷賊西人助守上海軍書饒道藉通南北
君開說萬端始得其力江南人至今道之君懷抱大
畧不見推逢退而箸書又多非常異說可怪之論所
謂數奇者也二子皆有奇氣前卒君死上海斥賣遺
書舉其喪原名橙字孝拱獻二十餘歲兄事之與楊
象濟高炳麀皆莫逆嘗告獻周頌有韵古失其讀淵
復堂文續

卷四

三 刻鶴齋藏板

淵誦之聲振屋瓦其跌募如此

楊象濟字利叔秀水人咸豐己未科舉人少志於學
嘗題柱曰私淑桐城鉛山親炙長水叟江桐城謂姚
郎中鼎鉛山謂蔣侍御士銓長水者沈先生維鏞莫
江者姚君椿也君學不純師好論經世文章灑灑有
氣家中人產麤衣惡食有人所不堪者奔走吳楚閒
巨公多奇之亦不用也獻客汀州陷賊四十日四方
傳爲已死君賦詩哀之比來杭州知予尙在又賦一

詩志喜杭州亂後百爲艸柳君聞見不快則嫂罵撫

部馬公運使秦大夫方敬禮君乃上大帥書多詆婁
大帥告馬公逐客公護持之獻則勸君行游蘇州爲
諸侯客以老時有子爲諸生不肖且死君忽忽獨語
若有心疾一日納二妾未幾遣去乃盡出田宅告有
司爲義莊以寄其憤又數年死友人李道悠寫君詩
文盈笥秦大夫見之釀資刻行爲汲菴文存六卷詩
存四卷君性懃慕汲黯以自況故曰汲菴遣妾時其
一方孕去而生子十餘歲乃自歸于宗

董慎言字仁甫仁和人父杏塍貢生六藝教授傅大

復堂文續

卷四

三 刻鶴齋藏板

師弟慎行敬甫以舉人官工部主事亦以文采自憇
一門相師友君事親孝畜弟以友讓質厚好學詩文
謹重有節度尤事博覽連長几橫榻書帙鱗接環三
面君丹鉛于席客來始起客曰君信可謂埋頭者矣
困場屋二十餘年同治四年以樸學受知學使泰興
吳侍郎舉優行貢生長子寶榮卽以是年舉於鄉門
戶方起而君幽憂善病後二年卒君死數載其家死
亡相繼慎行寶榮而下壯者幾盡董氏衰矣

楊傳第字聽臚陽湖著姓咸豐壬子舉人涇縣包大

令世臣女夫忱槩負奇學有本末志康濟會試入京
館內閣侍讀漢陽葉名澧即與桃源尹御史耕雲甘
泉李刑部汝鈞錢唐吳懷珍丹徒莊棫仁和譚獻定
交時爲咸豐五六年比七年君又下第河督黃贊湯
招之入幕旋以知府官河南才諳亡匹時河南久亂
羣捻去來靡常君奉遣佗郡老母方至開封未入城
寓居黑岡一夕賊至母太夫人抗節死難越日君還
賊已去憤痛不已仰藥殉母黃督部聞于

朝入祀孝子祠君文章爾雅卓然名家今刻行汀鷺

復堂文續

卷四

三刻鶴齋藏板

遺文十餘篇詩詞近百篇散失尙多尹耕雲官陝汝
道李汝鈞官河南鹽道皆卒于官身後當有傳狀將
訪諸子姓葉名澧者字潤臣故大學士名琛弟淵邃
束脩通周易爾雅揆箸不傳傳者敦夙好齋詩集十
二卷續集八卷高絜清溪二百年間作者幾亡與抗
手官終浙江候補道前聽臚一年卒于杭州歿數日
而獻自閩歸哭之慟

莊棫字中白江南丹徒人先世業淮鹽家揚州生長
華廡少即以翰饜得部主事官已而商綱改家蓋以

一夕毀顏澤性醇粹讀書好微言大義口吃善言名
理學通易春秋踰冠箸書以董子蕃露爲師咸豐五
年游京師以資細不得上官待試京兆居蕭寺中門
多長者車轍獻揖君顧亭林祠下遂偁知己一時結
道義交者李汝鈞子衡楊傳第聽臚易佩紳未子吳
懷珍子珍也西人要盟天津欽王侍郎茂蔭謝病桃
源尹侍御耕雲建言君皆密贊之於是投書時相言
甚激切桂林朱給諫琦規以出位君感其言後有哀
憤則託於樂府古詩回曲其辭以寓意至倚聲爲長

復堂文續

卷四

三 刻鶴齋藏板

短句皆是物也南北往來欲有所成就連蹇亡聊兵
閒轉徙益困徐溝喬勤恪公欲用之薦改府同知君
不習爲吏謙之江東既定大府奏開書局延訪方聞
士君乃謀食淮南江甯校正羣籍惟曾文正公歎爲
異才始終敬禮之時耆舊則丹徒柳興宗窮交則德
清戴望儀徵劉壽曾桐廬袁昶皆喻君學術佻人不
能也治易久漸通歷數益信緯候第以心力衰於奔
走未能布策心知其意而已曾公薨遂倦游光緒二

年七月訪獻于安慶語窮三晝夜季未五十諳諳言

身後事獻默訝其不祥明季竟病没于家平居寡言
笑每日暮亡人獨繞庭階百千步或顧景自語家人
莫能問也遺書皆手定有周易通義十六卷易緯通
義十卷東莊讀詩記一卷靜觀堂文十八卷獻重次
爲七卷
蒿菴遺集九卷長子黼宸後君二季死次子葆辰能
讀父書

戴望字子高德清諸生祖銅士先生有彈改齋詩十
二卷先生生三子皆才相繼卒有戴氏三俊集君生
而奇慧自言夙世爲前明遺民某少卽不樂仕進稍

復堂文續

卷四

刻鶴齋藏板

長目微青性僻益與世忤鄉里閒齋名友善則凌瑕
姚宗誠施補華江珍楹及某某號吳興七子幼從句
讀師問經疑不能答則縱聲大笑曰呼予安得古人
爲師乎游蘇州見陳徵君奐乃師之又事宋于庭先
生徵君授以毛詩六書之學君守家法惟謹避亂客
廈門遇獻論學相悅交會稽趙之謙尤傾心焉君讀
書精純得顏習齋氏遺書窮治之附箸李剛主王崑
繩之言箸錄顏氏學十卷於是益猷薄宋儒矣好論

語學成戴氏注十卷用宋先生及劉申受禮部說爲

多亂定客江甯曾文正公督兩江聘校羣經禮遇之所著書皆成於江甯又有管子校正八卷久之曾公薨君好詆宋學日與要人齟齬時方有嫌于獻三季不通問獨客憂傷死于江甯書局所謂冶城山館瑕與補華經紀其喪之謙刻其詩文爲謫磨堂集六卷君之可傳者不在是娶凌氏強婦人也不能事姑君與異居終其身妻父凌教諭望好兵家言通壬遁子高則曰吾友教諭之學不識爲妻父湖州陷時教諭已謝官歸先告人云吾當死于寇寇至竟死

復堂文續

卷四

五 刻鵠齋藏板

魏錫曾字稼孫仁和貢生福建浦南場大使魏固名族多聞人君少壯有文好印人篆刻多見名蹟遭亂攜家入閩依其親串乃益嗜金石拓本時獻久客而趙之謙搗叔亦避地至福州故家所藏碑拓方出君與搗叔討論節齋衣食聚墨本盈數篋胼手校讀以青浦王侍郎金石萃編多繆丹鉛審定飢不皇食晚出諸碑銳志箸錄欲撰萃編補石獻落魄亡聊嘗左右之偶得一二舊拓互靳祕也俄而出以相炫所見

或不合斷斷爭辨至面赤拂衣起明日相見如初君

一游揚州又交吳讓之刻印益究源流然未嘗奏刀也獻還杭州君亦歸葬母服除入官鹽吏事簡不廢讀碑校唐石經及易州刻石老子正嚴可均之失在官樸拙日事筆硯光緒七年卒官遺藁曰續語堂碑錄數十卷刻者十不及一有續語堂詩文三卷書學緒聞三卷子本存諸生君所校錄皆付寫定在閩嘗從子問業今官福建府經歷

王詒壽字眉子山陰貢生候選訓導少習法家言游皖南三年兵起歸里門性澹逸好古學恩心湛湛詩

復堂文續

卷四

三

刻鶴齋藏板

篇雅合閒爲南宋人小詞輒工有笙月詞二卷尤精駢儷文字芳潤縝密如梁陳人一署武康學官杭州奏開書局訪延學人校理踰一二季眉子至諸人服其安雅名大起王麟書譚獻陳豪尤交契也已而諸人皆宦游君窮悴且善病許增邁孫博覽好賢尤耆眉子文一日語君曰子今年五十矣何不寫定文藁增且任槩人資以爲君壽君遽起再拜縵雅堂文八卷刻成而君已卒詩十卷彙藏其家子某

陶方琦字子珍會稽人父良翰福建興化府知府君

與兄方瑄同治六年同榜舉人光緒二年進士翰林院編修督學湖南以憂歸光緒十年服除赴都數月卒於邸有子五人君澹雅綜羣籍篤好淮南書治經究心鄭康成氏文章絕麗下筆滔滔如泉性尤服善人諷其失輒遷改既上第退然劬學如初愛友朋山水悠然有千古之想視學日勤求賢雋惟日不足銳于著書彙艸十餘種往往鯁理未竟已刻淮南許注異同詰許君季表而已季甫四十齋志以終亦其覃息廣遠精力易窮如自知其不永季故汲汲有若不復堂文續

卷四

毛刻鶴齋藏板

及與

王麟書字松谿錢唐人同治庚午舉人甲戌進士俊雅有文性樂易亡芥帶食貧講授鄉里事母至孝比以文學著稱而兵起岌岌幾不自存恒奔走江淮間數濱于死嘗于火輪船遇盜閉舟中得救也官軍復杭州君始得歸受知當路稍稍自振矣又隊樓幾實亦亡恙成進士官江西署廣豐縣事邑有同族水田之訟讎上流以澗下爭者三世且百季上官不說君儒緩則以此苦之君徒步入其邸眾方列仗牆立君

指示形勢動以一本至情立談定局閉期歡聲雷動
放仗羅拜由是歷官數政皆以循吏著補萬安令在
官三年不廢書策詩近百篇雅好比興一日屏人治
文書乞假省墓遂歸與故知三數人布衣道舊如平
生歡俄而疾作光緒十三年正月七日卒臨沒神明
湛然賦詩別譚獻云皖公山下來別記取千秋萬
古情蓋君自江西旋與獻維舟相見於安慶城下有
偕隱之約故詩云然獻以四月歸乃不復見君也

高傳錦字子容改名光煦仁和歲貢生候選訓導父
復堂文續

卷四

三 刻鵠齋藏板

官廣東一署高要縣令君從宦歸踰冠補諸生好吟
詩耽佳句與族弟望曾炳麐以詩相砥勛吳江陳來
泰訥菴爲屠倬太守舊友號詩老最重君而君貧薄
爲童子師自給東南寇起轉徙亡繆且亡暇爲詩橐
艸亦稍散落矣事定歸故交益寡望曾官福建不得
志以破炳麐前卒少歲酬和之友獻與張景祁輩皆
出君白髭布袍鄉里奉爲長者孜孜爲善百季以來
高氏先賢創普濟堂養老千夫慈幼卹惻天下僂
焉至是以君主之益竭心力措注惟謹寒暑風雨若

忘其老坐是積勞疽發於股病三月卒年六十一君
長獻五歲獻讞病歸相見頗歡方索其詩欲論定之
臥病杜門而君遽逝哀哉子家丞諸生眾子五分嗣
諸兄弟當咸豐八九年閒獻客閩道樓不得歸老母
飢困君時以斛米呼僮負之躬饜吾家

右十八人畧以交游先後爲次第王高故人五季以
長今茲感逝未有宿艸人琴之凶以此終篇矣而君
屐少年若顧子眞周仁甫之流海內交舊先朝露者
尤多端憂多暇行有續述以寓悲思

復堂文續

卷四

五 刻鵠齋藏板

羅大夫家傳

宿松羅壯節公有才子曰忠祐字少村生有夙慧嗜
左氏春秋學稍長熟資治通鑑究心古今成敗慷慨
自期許嘗夢人授五言詩曰莫言時事非吾道良可
恃壯節公以甲科官唐山知縣生忠祐童年從宦湖
北岐嶷驚老成桂林朱給事琦忠亮有人倫鑒目爲
偉器益陽胡文忠公撫鄂君年十七爲襄陽寇難乞
師大府一見傾賞手書敦勉舉孔北海意廣才疏及
建安名士爲戒而期以實用曾文正公亦傾賞如文

忠也君於是日讀有用書時兵事大起目擊時艱不
專事舉子業壯節公游歷監司巡撫浙江軍書吏牘
付令子視艸往往中機要習律令黜所點定云咸豐
十年二月粵賊閒道襲杭州援師未集壯節公遣子
出圍以存宗飲血登陴守旬月而城陷死之越五日
師至克復君乃得閒關奉遺殯歸里墨絰趨軍中贊
畫誓雪讐憤先以門蔭得官部郎從軍策勛同治九
年以知府分發湖北當是時兵甲甫定百爲待治應
機理劇老吏斂手君少長於楚識民情僞精力志行
復堂文續

卷四

三 刻鵠齋藏板

皆隸人上官倚若指臂顧憂患奔走神明盡傷辱守
家風絮廉無錙銖苟得自奉儉約如寒士乃以勞勩
隱疾中之光緒五年冬署安陸府事長於決獄訟者
立剖明允之譽溢於江漢嘗與桐城友人徐宗亮書
曰今治尙猛烈非所以復民生也上率是求下率是
應殆殺人以媚人矣吾何敢其治安陸也一用平恕
爲政盡心隄工日以民命爲慮在官一年而治績表
表比回都省安陸民猶有望門告愬者婉辭謝之聞
者嗟歎以君長才符檄輻輳居於需次之邸恒兼佐

羣政蹟可隱身徂暑從公末疾卒發遂以不起年四十二君死事遺孤氣稟清勁左右名臣習聞奇績不肩以文士自居然感憤時事不廢詩歌上諸帥言兵事書居鄉論風俗流品書文辭磊落不事畦町稱心而言皆入於古談者服君聲實克副爲不負諸公知人也承壯節公難蔭得

旨兼襲騎都尉世職官終湖北補用道候補知府子志溫志范志霖志京

譚獻曰君咸豐中走杭州謀建壯節公祠宇長身玉復堂文續

卷四

三 刻鵠齋藏板

立言侃侃如曲盡事理乃與李宗庚陳豪及獻輩游處氣道如平生交月餘言別敦以久要已而官於楚獻亦仕皖書問一再方以壯盛助厲爲世用不意君治行焯焯曾不中壽哀勞傷骨付於不可知之數遂無再見期獻宰宿松二子恂恂以父執禮予言念疇咎自顧早衰無尺寸之效慚於君鄰里鄉黨也在官八月引疾投劾去之日應志溫志范之請敘君梗概附諸家乘慨息盈襟云爾

吳府君敬義字孟暘號薇客先世安徽休甯人業浙
鹽家錢唐四世生府君幼慧自奮於學通羣經年十
三補諸生文冠儕偶益嗜稽古詩文爾雅林文忠公
官杭嘉湖道時試謁經精舍得卷大奇之杜文端公
督浙學府君入試第一舉道光乙酉選拔貢生秋試
甫畢第一場以母病輟試比榜發則闈中已定元典
試使者以失賢士爲惜明年 朝考二等選授武康

訓導改中書旋中乙未舉人會試第一授編修翰林

大考擢任右春坊右贊善典癸卯科陝甘鄉試使還

復堂文續

卷四

三 刻鵠齋藏板

載秦中碑拓而已京宦蕭然高寄謙結納時相熏灼
門生滿朝右顧慕府君高名所親示羅致意卒不往

見遂以丁未大考二等降編修夷然處之記名御史

己酉順天鄉試同考官得士有長白英翰公起家縣

令以討撫羣捻廓清皖南北位至安徽巡撫兩廣總

督烏魯木齊都統諡果敏者也府君一見卽許爲偉

器云府君孝友性成事母無違家人生產付弟敬徵

絕不會稽敬徵治事秩秩亦無私蓄也歲計所贏均

財克讓族鄰兩賢之復舉質庫及腴田依季弟諸生

敬榮讀書也京宦尙義拯乏歸喪數年間費索千金
權要饋遺則屏不與通仕宦不進無悔焉爾丁母憂
歸哀毀至骨立遂嬰疾既除喪卒於京邸年五十一
府君詩學昌黎詞宗白石遺集若干卷府君在時館
閣方尙歐陽信本書蓋亡工於府君者子爵綬江蘇
府經歷磨綬訓導毓麟山東登州府同知忠豫直隸
縣丞孫乃斌今官安徽府同知

贊曰獻交乃斌二十年忱恂學優望而知爲名家子

姓也以府君賢使生漢世鄉舉里選用孝廉登三府

復堂文續

卷四

三

刻鶴齋藏板

黃香荀淑去人不遠矣盛年高第依流平進物望屬
焉屬有所尼稍進而躓又無年也然則鄉先生之品
望後進之淑艾蓋觀於微而師保之九京可作則獻
請從

金府君家傳

府君江陰耆舊乾隆元年鴻詞科刑部主事鑑之曾
孫歲貢生捧聞之孫嘉慶己卯舉人蒙城縣訓導諤
次子也名應澍字姓初晚號澹庵生而孝敬事祖母
蔣淑人母史淑人中年猶孺子色也父客徐州府君

從與平湖張編修樹鏞安陽田太守宏勳結文字交
抗稽古之業久不遇於有司遂棄舉子業游河南宣
防大政贊諸侯計畫時時內交中原老師及知名士
道義磋切學以大就道光季年奉親教子不欲復出
乃咸豐末寇起江南無完邑父卒旣葬舉家避地府
君赴湖北襄陽道從子國琛治所逡巡至長沙又十
餘年亂定拮据營繕家室復完投老田園孳孳以家
庭手澤鄉閭舊聞采獲賡香爲事於是先師遺文耆
舊著書寫定殺青合子武祥粟香室叢書網羅散失
復堂文續

卷四

刻鵠齋藏板

由江陰而推大之哀然數十百卷自撰粟香隨筆多
識前言往行談藝有淵源亦數十卷蓋承府君志也
武祥官廣東運使同知監鹽權於廣西梧州府君康
彊年七十五就養焉嶺外溫煦宜老府君杖策登眺
賦詩命酒無倦容鄭州大水府君舊游棄田濟振事
聞旌異建坊梧州偏災亦命武祥振捐者再桂林大
吏入告於

廷府君惕然以爲近名矣入廣州游獨秀山南園悠
然以樂武祥署赤溪直隸同知府君泄教曰養民白

無留獄固少壯游諸公間素所蓄積也光緒十七年六月以微疾告終赤溪官舍年八十一壽考君子有道佚樂海內不數覲云府君元配謝孝親好施予能制盛怒課子嚴與府君性行最近遇亂流徙江北府君以謀食率武祥客游未歸而謝淑人卒前府君二十八年子一武祥孫章國子監生次和少俊者學有詩百篇府君卒之前一月和先疾沒其婦陸後十日殉夫死年皆二十一歲武祥有慧女珣者與陸同日病暈死年十七耳時皆未敢告府君知也所著澹庵復堂文續

卷四

蓋 刻鵠齋藏板

醒語及詩詞若干卷

譚獻曰案狀先生生平蹈危者三其一游梁盜要諸路露白刃霍霍官軍方躡之盜逸其二庚申亂時三吳淪陷間道出沒意外全濟也其三則長沙邸中有狂人持刀夜入寢斫右臂創甚隕絕而蘇尤意外之變然而同舍起縛狂人將治之先生茹痛乃曰是心疾耳非有怨於我可勿治比創合卒不治此狂盛德哉

周府君良苗字稻邨先世餘姚人祖聖能始遷湖州家南潯鎮二世某生二子稻邨有兄字虹浦者喪偶不娶稻邨府君生有至性孝于親兄弟則友形影肺腑殊暱近也聰明力學好讀書不競仕進篤行嗜爲善於鄉里父老有利濟事傾資贊之無吝色惴惴觀成多文善談論與知名士交書問往還綜羣書煥雅冠曹偶有聽香樓箋存兵起散落人間傳誦之好善昌其家德化于妻子以兄之不娶也命子昌壽爲之子其貨財同哀樂府君年四十八卒厥兄悼傷致疾復堂文續

卷四

三刻鵠齋藏板

明年繼劬嗚呼可以風矣配恭人許氏自有傳子昌大昌熾昌富

許恭人稻邨府君室也儒家女幼習母訓長而淑德年二十四歸於周相夫孝友脫簪珥陰行善生子昌壽昌大昌熾昌富而府君卒長子嗣兄公方冠仲叔幼季子乳哺生計頗紬恭人以儉約安貧自壯也因材教子或賈或讀循分立身兵事起避地上海時仲子叔子商業慎裕家日起昏嫁畢而恭人綜家政力儉以率後人益好施予亂定還南潯子承母志恒創

義舉以慰親心諸孫蒸蒸有登鄉舉者矣同治十三年年八十子孫將舉壽觴治牢醴饗客恭人正色曰汝曹忘先君樂善未竟之志邪未亡人倖致八十乃戕物命以供燕笑烏乎可立出五百緡創放生會約鄉里當生辰輒節費以聚生物放之山澤嘉善鍾先生文蒸撰文記之迄今不廢恭人卒子姓克昌殆世食賢明之德歟

昌大字味詩南潯周氏四世仲子也生有異秉就傅讀倍常兒稍長動必以禮少孤承母許恭人教自奉

復堂文續

卷四

三
刻鵠齋藏板

簡約顧食貧無以贍甘旨濶里鄙也於是輟讀從巨商往來二十年乃立業二弟左右之以起其家亂離轉徙得完家室乃曰人間離析摧傷聞見皆是吾家食指日增數十口無凍餒殆天監吾父好善之應吾兄弟敢不祇承之勿墜廢居恒走鄉里撝骼霾毗春爍無閒卹嫠惜字默行不勑人往往不知其名助戚屬昏喪有讞者輒匿避以廢儒爲慚故課諸子嚴歲壬午慶賢舉于鄉慶雲輩有聲庠校稍自慰云光緒

十七年九月卒年六十六

昌熾字味六家世孝弟讀書推暨義理不事華藻性謙竺從諸兄後退然不欲勝人未弱冠從賈于滬上久而成業遭亂不困侍賢母許太恭人耳孰感應果報之說遂孳孳爲善也嘉興新陸俗多溺女邑人議設育嬰堂細資未就立輸巨金爲倡始成之吳淞港風濤激蕩時没行舟操楫者恒惴慄君又咨謀集資設閔行救生局全濟者眾太湖金筱亭方客于周氏見而偉之請曰太湖救生局亂後隳廢君曷踵成之諾而議行出洋絲斤千兩以下量施如干上其議於復堂文續

卷四

三 刻鵠齋藏板

有司太湖救生局成著爲令勒石頌德請冠君名則曰金君倡義僕和者也敢尸之乎沐陽振荒君倡捐後推錢唐施少欽綜之東南捐振海內推敬垂二十

年全活亡算開其先者則君也先世有餘姚宗祠君曾祖聖能始遷南潯四世矣而未有祠君兄弟合力建祠墨溪六閱月成乃買松江金山腴田五百畝供祭贍族蒸嘗勿替君無子以兄子慶雲嗣慶雲字湘

齡好學有文世以名德達人期之矣

譚獻曰大學記曰君子不出家而成教於國明哲之

言則士先器識而後文藝周氏父子兄弟以儉昌家以善逮眾以儀式衣冠以佐助君相安得如此父子兄弟落落然參錯天下則治升平純太平之世不難致矣今也據亂跂子望之

東埭居士傳

東埭居士郭肇者字復亭世居諸暨沙埭村祖之桂父承周世有禮法居士幼卽端靖語無諧家人以方正目之就傅厲學冠年綜羣書有志撰述師老儒斯際華久爲有本之學章瑞麟吳杰詩文澹雅推賞尤

復堂文續

卷四

五

刻鵠齋藏板

至顧居士潛篤日進不以聲譽自喜也庠校高才連試侷失舉遂弃場屋肆力學古人間致敬尤崇其至性居士父樂酒寒夜侍飲肌粟顫縮無倦疾病扶持抑搔之涕泣嘗藥送終之禮尤慎居士于兄弟行最長析產讓腴居恒貸恤仍以不克同居爲恨好友朋必擇交同里酈青照藜生工詩振奇殊傲儕偶獨心折居士譚獻之交居士藜生爲通辭也時咸豐間東南兵亟居士避地空山雨雪藜生芘屨過從圍楸枰

火煨栗唱和歡笑時復暗鳴哀樂悉託于詩居士詩

頓挫跌宕與所撰雜文一意宗唐人家恣居士晚年
緝諸暨詩存錄藜生詩以寄哀思嗜音韻有獨識以
爲守溫字母非中學非中音音和類隔後來多立名
目分併歧舛鄙伯行撰切音捷訣謁居士與言古近
之變繁簡失得授學有緒而鄙生死居士嘆曰吾無
與談音學矣居士中年以後生徒踰百勤誨講肄多
所成就戒之砥行則教子姓與諸生同恒言曰凡事
留餘縱欲難繼人方困急若加諸身於是儉讓推解
里中表儀而一生端謹見者自肅仍樂近其和易也

復堂文續

卷四

學 刻鵠齋藏板

光緒二十年長子心庠舉於鄉居士敦厲其學行不
少寬假是冬寢疾則告諸子吾祖雨亭公最愛肇謂
諸孫惟肇不待教督必可成人肇默自策厲上法吾
祖公六十五而終吾明年六十五矣殆不起二十一
年正月七日居士卒族鄰之扶助弟子之承教者雪
涕相向若喪天親子心庠心康心廡孫良訓良輔東
垓文四卷詩十卷行世諸暨詩存緝香未竟以貽同
志鄙俊德黃芝成之

譚獻曰予序東垓詩文無愧辭曾不四三年後死故

人傳吾亾友亦無愧辭也君無千里之游艸堂息景
手一卷吟歎起或持帚埽階下揮熱火鬻茗終日無
世語古有獨行傳居士其人與

章府君家傳

古州府君名桂慶字仲芳會稽章氏世載名德從祀
鄉賢南洲先生十二世孫曾祖沂祖均厥考悅祖仲
子也幼貌溫文入塾授書輒成誦嗜讀至元日猶溫
燭不廢孝友夙具居喪毀瘠事伯兄如少遭亂流徙
山野不去側艸衣坐叢冢閒縱論文字爲樂事平補

復堂文續

卷四

聖 列鶴齋藏板

諸生益究有用書同治六年舉於鄉考取內閣中書
俾直勤求學行曰箸顯禮部入試不止第截取府同
知分貴州時吳縣潘大夫壽爲撫部知君才望召治
幕府文書從閱軍伍屏賂遺同官推敬戊子秋入闈
爲同考官呈薦多才雋古州者諸葛征蠻故壘在焉
險惡阻聲教康熙闢土遂爲通衢重鎮殷難治君
開敏善斷事至立剖方創設抽釐所司苛斂眾商方
闕將怵之以兵君曰如是則速禍肩輿從一人入眾

中愷惻喻利害遂解散營卒魚肉苗砦移無名屍冒

詐之君一再調驗得其誣由是羣苗翕然章公爲政
奉令惟謹矣荒徼失學閔之修學舍課以功令文字
開誘經訓秀良于來相慕悅三年後州人劉志高
領鄉薦咸頌府君文治固百年所未見調署麻哈州
政簡而公勤無改官古州五年爲設州以來循良俚
首顧心力竭觸瘴疾病遂卒於官方欲謀祀田贍族
黨不副其志歸葬之日商民奔走哭聲盈城野苗眾
金環花衣夾道涕泗焚香伏送者相望不絕嗚呼仕
學君子殆無愧古人矣卒年五十九子維周候選從
復堂文續

卷四

聖刻鵠齋藏板

九品卓漢光緒十五年己丑舉人

譚獻曰與君同丁卯鄉舉一再相見未領襟抱君好
雅詠有詩存四卷蓀鄰詞一卷都下聯吟集二卷亦
未得過讀也治行焯然邊徼歌頌獻平生之言百里
之有司簡書奔走毋自菲薄如其旦夕行意之政不
崇朝澤被其境有不待請命束縛於上官者顧從政
十年行不克踐如章府君非行意者與敢以告有志
之令長若夫章氏家學不墜廢家乘與國史相表裏
獻服膺君家實齋先生之言也尤信

許教授家傳

教授君姓許氏名仁杰字王伯海甯州硤石人簪黻世族代有聞人祖錄考光清潛惠未耀列州志文苑傳仁杰伯子也仲弟仁本君生而穎異十歲能文稍長善言名理洞卅儒學本末宿儒汪謝城溪器之嘗就讀蔣氏別下齋紬繹書林見聞日贍補博士弟子授室後舅氏朱海曙先生導掖浚長說文之學綜核羣言矣無何粵寇犯境毀室焚書蒼黃走匿父喪骨立賊倅入鄉閭朱宜人自沈以徇變君兄弟艱危奉

復堂文續

卷四

聖刻鶴齋藏板

母依託蕭山戚家賊鋒又徧掠失君弟母氏閒關歸里明年小定傭書無所商賈以絜甘旨然不廢稽古暇日取友倡和寓志賦詩同治三年肅清兩浙文治中興乃復理制舉業杭州都會賢太守辭公闢東城講舍遴文行之士講習君於是左右俊賢切磋不倦乙丑歲補行辛酉壬戌鄉科中式魁選辛未北上公車與聯轡良友孽勝河嶽成北行日記一卷甲戌遭

母喪哀毀咯血有聖廬述訓紀其哀思營二世葬拮据成禮會試三上不第庚戌大挑二等候選學官辛

已秋署分水教諭誨誘生徒親如家之子弟光緒八年九月選授常山縣學訓導之官修縣志裁體例以成書十年夙患加劇謝病解官就醫踰二年始告痊署建德教諭問業者遐邇交錯於門受代歸長子受怡已卒懷抱盡傷十四年選平湖教諭莅官老境勸學銳意緝述以嘉惠後來刻行蔣氏大始人範訪求陸清獻公遺書都百九十六卷吳令君佑孫設局開雕更復博采成景陸粹編十卷讀陸淺言一卷平生師表之志士林循道學緒業在是矣廣徵文獻得復堂文續

卷四

刻鶴齋藏板

續樵李詩繫孤本寫副寄都門錢尙書應溥鳩貲梓行助錢唐丁氏昆季杭郡詩三輯編喬潘學使兩浙輶軒續錄亦資訪校里居時手緝硤川詩續鈔家乘補纂八卷食舊經眼錄六卷洛溪許氏文畧四卷詩畧十二卷詞畧二卷未成手稟尙有兩浙學官志海昌叢書歷代名人年譜彙編宗魯居襍綴冷觚君之博而勤也如此問學淵粹文筆兼工旣宗桐城並擅石笥卷施駢儷之長詩恣梅村倚聲亦抗手側帽遲

春閣文寶硯堂詩潔廬詞成集瑋然寶硯堂者六世

祖尚書公汝霖

先朝賜硯亂中奉之入山慎守至今勿失者也潘學使式崇文行封章薦達在任以教授升用二十四年擢遷嚴州府學教授已病不能赴二十五年正月卒年五十八元配朱殉難事具浙江忠義錄繼室高氏生子受怡嗜學蚤世次受恒再繼汪又繼孫生子受恂孫二君制行純竺善與人交同輩推敬舉措多可傳督鄉人淹葬有力者趣期貧者助費無主者徑空之戒弃生女全活不少勗雙山講舍復東山書院重復堂文續

卷四

墨 刻鶴齋藏板

建里仁環秀二橋皆與有勞焉足以垂輝志乘獻周旋良友同人如張景祁蘊梅張鳴珂公束黃以周元同陸元鼎春江陳豪蘭洲楊文瑩雪漁沈景修蒙未張預子虞皆與君道義論交君卒之年元同蒙未繼逝獻方欲撰亡友傳先爲君作家傳以副令子之請君嘗檄辦海防濟饗及己丑賑荒撫部崧駿公叙勞奏加五品銜晉級封奉政大夫室人均以夫子銜階得贈宜人

譚獻曰子珍行誼畧具予亡友傳幽咽不能盡辭越十年遣孤詞光兄弟以家傳請復次生平事實應之後死之責感逝之懷幽咽不能盡辭猶前日也

陶君名方琦字子珍浙江會稽人世居陶家堰曾祖兆麟直隸大城縣典史祖際堯湖南永州知府父良翰福建興化知府先世皆文學飾治有聲仕籍方琦開鼎覃思天人少漸庭誥綜羣籍避亂山中攤書吟諷旣冠補諸生踰年同治丁卯竝補甲子科舉人兄

方瑄同榜方琦靜穆寡言笑雖徵歌酣燕宗坐蕭然復堂文續

卷四

聖刻鶴齋藏板

至斗室中同志友人討古辨疑斷斷不自知庚午秋偕同年友餘姚朱衍緒震甫就譚獻論羣經九流之流別旁逮文辭正變密坐千言踰晷忘疲至二君後先捐館舍獻理其緒言往往雪涕方琦樂善入規誨輒精思求益也成丙子進士官翰林院編修督學湖南時所學大就治易鄭注詩魯故爾正漢注又習大戴禮記其治淮南王書方以推究經訓蒐采許注拾補高誘再三屬艸斲斲十年故其視學實事求是得

士如衡山李子茂衡陽夏時濟武陵陳銳所造就者

皆能窮經桂陽陳兆葵長沙蕭榮爵文章蔚然在官
丁母憂歸葬禮成湖北奏請總修省志游於武昌手
葺所著書未卒業詩詞駢儷文約畧寫定釋服北上
供職遼巡染疾薦直南齋已不能赴病數月光緒十
年十二月卒於京邸年甫四十君學有本末汲汲於
古述造無閒歲時今漢孳室遺書四方傳鈔及所手
訂者行世有淮南許注異同詁許君年表倉頡篇字
林補輯漢孳室文鈔溟廬駢文選湘廩閣遺詩蘭當
館詞餘彙尙藏於家賢婦王孝敬守禮生四子後君
質文紆徐卓犖無年不朽斯樸斯斲

陶府君家傳

陶雅軒府君名慶怡字雅似會稽諸陶代有聞人府
君本支登仕籍而位不載惠祖兆麟順天大城典史
抗權貴罷官父際唐以諸生主講太原書院負奇不
遇抑抑蚤卒府君兄弟三以再世連蹇銳有志於科
第伯子慶颺有雋才季錫恩以兄爲師慶颺赴京北

試連歲不上第聞父喪以毀卒京師府君往經紀其喪一應道光十五年順天鄉試膺房薦被遺挑取臈錄歸侍母不欲復出就近縣記室聘歲時歸省以安親比終母喪乃入京赴 國史館書成于二十三年

敘選鹽課大使三十年分省廣東府君性慷慨目炯炯照四座與人論事無不盡居官侃侃不阿屈上官知其誠亦無忤也府君志學習史家掌故洞古近流失之故爲文操翰立就于是條鹽政利弊數十上之益用器異咸豐三年授雙恩場大使蓋陽江縣地多

復堂文續

卷四

吳刻鶴齋藏板

私曬別儲紅鹽漏課侵銷以三了厥爲尤巨府君之官毅然發其隱于是有馮方璽聚眾歃血府君至剖諭其眾不服亦未敢犯陽江令聞而馳卒來援當是時粵寇張陽江民又悍某總兵過此以危辭尼府君不爲之動名捕方璽卒寘之法三了以次厥課咸治大府曰此大用材也將薦于 朝而府君以觸暑病矣家人未來遂至縣愒卒于官蕭然幾無以斂府君負奇欲自表見困于應舉方以一官辭家室犯險巖

以申其志駸駸以才識知遇從政日淺乃歎無年不

徒爲陶宗惜也配金氏勤修內政道光己酉庚戌浙東大水府君募粟賑饑人金恭人紉絮以衣寒者授茶佐助之後府君三年卒子濬宣學行閎碩同治六年副榜貢生光緒二年舉人教習官學敘選知縣方畧館膳錄敘用直隸州知州裴回公車將昌其家論曰府君學而後仕跡其治莠民毅然不撓所謂不爲威疚者也官舍蕭然貧無以斂不爲利回者在是若而人者在下位以厲世磨鈍如其登進于上豈不可以扶危定傾也與噫

復堂文續

卷四

吳刻鶴齋藏板

嚴容孫傳

嚴曾銓字容孫前河道總督烺之曾孫父而肅仁和舉人仍世文儒束修厲學曾銓蚤慧循默孜孜劬書若性成也長而經義辭章深識其正變訪叩師友粥粥不言所長少孤事母無違從弟曾鑑愛若同生時家中落性介不輕于人比學漸就強記多聞人閒推敬而曾銓謹言與之終日絕不聞臧否他人語海甯許氏曾銓之所自出也六書之學海內所師曾銓幼熟緒言寢饋小學諸成編而洞達神旨比年過從斗

室獻以舊聞拾補之至于振綱蓋以難也會鄉人
孫舉人禮煜緝善說文會纂六百卷約曾銓左右之
通人遺著往往未布學人者采獲不遺乃四三年成
書未寫定而曾銓以光緒十七年九月嬰疾卒于揚
州館舍屢試不上第是秋又被放鬱鬱以終禮煜亦
選授瑞安學校官未上官而殤傷哉曾銓游于萍鄉
文廷式宜興朱啟勳杭州吳慶坻同志偕逝不啻口
出曾銓妮古不樂藻麗之文詩歌安雅其餘事耳嘗
助南海潘學使衍桐蒐集兩浙輶軒續錄至是學使
復堂文續

卷四

五 刻鵠齋藏板

乃箸錄其詩入補遺卷中曾銓仁和貢生候選訓導
卒年三十四

譚獻曰談藝之士好尙日新治六書者輩出戴段桂
王以來矩度不失出入亦時有爾者蔓衍不獨詆謨
先詰甚且集矢于浚長獻與以友程吉士秉釗憂藩
籬之缺也嚴貢生竺信謹守博綜善述箸書不就朝
露告終平生之言誰與共此也乎臆

楊都轉家傳

楊府君名裕深字曉東貴州平越直隸州人門風孝

友勤學厲行道光壬午舉人已丑進士以卽用知縣
發浙江補縉雲令署任平湖天台迎養老母母懷鄉
里終養辭官歸踰年遭憂喪葬禮謹釋服揀發再至
浙省治理裕如考績日茂前宰天台日農田旱槁令
君芑輟步禱龍潭還縣中道雨澍菑戶騰歡持恣嚴
收國清寺斃佃豪僧寘之恣平湖捕盜必得束厲豪
族無訖恣志乘書明決焉於是再宦輕車熟路嘉興
歸安仁和錢塘海甯乍浦緊劇尹牧舉廢行仁嘉興
之聲績尤著嗣後署衢州守補甯紹台海防道駸駸
復堂文續

卷四

至 刻鵠齋藏板

康達日起有功咸豐五年擢任兩浙鹽運使疏積綱
裁冗襍減價敵私當官行政矣尤樂獎進賢才多所
識拔顧事變且亟疆場多故府君兼權藩臬庶政交
集措理井井有餘裕先是府君劄勳省局議海運招
致沙船衛船甯波船始充分載上海寇踞籌浚內埔
改道劉河以濟陳戰守于撫部創召廣艘防江分兵
援衢州卻賊鋒比全省震撼連陷郡縣主客之師雲
集府君策陳減糶常平倉粟截北潛以饜軍都會鎮
定深資匡畫事在咸豐八年危而後安九年府君以

積勞卒於官年正六十可謂蓋臣也已久宦清約鄉
關遠阻家人至不能歸闕二十餘年遺民哀思將待
凶年及例限籲請從祀循良爰括治績列傳先以垂
諸家乘

胡府君家傳

胡府君家駒字幼良後夏名祖蔭以志先惠胡氏自
宋濬祐居山陰宗派蕃衍俚張漢望族曾祖元勳江
蘇甘泉典史祖朝倫山東聊城知縣箬鏡塘詩臺政
術文章昌其家父鵬飛以副榜貢生授宣平教諭箸
復堂文續

卷四

至刻鵠齋藏板

稻薈詩文集生三子繼室沈恭人生府君與伯仲異
母五歲而孤七歲就傅幼敏慧竺志孝友天性然也
劬書孟晉文字蹊徑違俗年十九就童子試後連不
得志於有司中丁亂離三十後乃弃制舉業咸豐十
一年九月粵寇陷紹興府城里蒼黃奔徙湖門賊
至府君抱兄子經一疾走不顧妻息幸而獲全輾轉
山村幾不得食乃寄孥母家時伯兄宰偏關遂奉嫂
攜從子間道跋履航海由天津達山西兄弟相見悲

喜可知有赴晉日記同治元年偏關度歲二年三月

行且歸矣故里賊退視妻子無恙絕意進取所生子
漸長延師課誦偶於所居藝竹觴詠比九年伯將解
組馳書促往迎眷屬自秋徂冬碭山道上羸蹶傷鼻
幾殆有赴晉後記十二年伯兄引疾歸而析產祖遺
田晦外別予弟十九畝府君受時卽蓄還意築室別
居曰花園田亦嘗小營什一族以燒鹽場竈爲世業
久且日衰府君躬理有緒然晨夕課子惟以能文繼
志爲望有二殤子存者道南炳南道南文備華實十
六歲補縣學附生府君曰我求之難兒得之易愧我

復堂文續

卷四

聖 刻鶴齋藏板

乎抑償我乎時爲光緒三年也閏八年經一易名紹
曾領壬午鄉薦十五年 特科道南繼登己丑鄉薦
府君曰我父教諭公績學不遇副貢終今二孫子相
續乙榜慰九原之心汝曹勉益加勉人師勿誤子弟
居官勿有私擧可也時方修宗譜倡祠捐考之舊籍
先世題五百金未全交遂舉伯兄授田十九畝完其
數入祠以副夙念其廉信如此府君未篤老心力夙
瘁善病時作時已二十二歲居母喪毀瘠孺慕終身

四十二歲仲兄卒山東清平魏家灣巡檢官所五十

四歲伯兄卒於家皆慟絕於仲赴至日泣告諸子吾
兄性嚴言動有失輒加我聲色我知改悔今而後不
得再聞訶譴矣汝兄弟當益親愛此日不易得也好
讀通鑑有讀史最錄戢晉家世詩文忘倦族祖宏博
穉威先生餘映錄家淑集刻以行世浙學使者潘學
士纂輯軒續錄胡氏先世詩皆府君呈備采錄成書
刻行家祭陳之紹曾選授福建政和縣勗以官方道
南數罷公車日本變戀親速旋府君肝病日劇神明
不替二子侍疾易箒語言可哿家乘可示學的光緒

復堂文續

卷四

蓋

刻鵠齋藏板

二十一年五月晦日卒年正六十生平好施陰行善
往往子姓未聞斂之日有婦人弔哭甚哀叩之乃言
夫將繫獄得府君力釋出夫婦復完云府君以孝友
爲大本佗人所難末節云爾不悉書國子監生布政司
理問銜配駱氏例封恭人子道南舉人揀選知縣炳
南監生孫豫道南生

贊曰方其襁負猶子足繭避寇不顧所生有鄧伯道
之遺風天道有知令子安全發名成業與從兄濟美
可以勸世矣盛惠君子家庭讓產鄉里閒施與旋忘

懿哉至於物外遐寄中年從仲兄游吳下周覽名勝
園居蒔藝飼壘率猶子及子游曹山飲雲石泉而樂
之有畢昏嫁卜居之願予傳生平思古獨行心嚮往
之

董處士家傳

秀水處士董枯匏先生名耀先大父涵父槩再世隱
居嘉興府志文苑有傳處士幼秉異慧五歲就讀偶
見彌陀經遂嗜釋氏內典家言過目成誦屬文灑灑
千言同學奇其夙悟弱冠補弟子員初治虞氏易掣
復堂文續

卷四

刻鵠齋藏板

討家法廢寢饋年將三十乃治朱子小學近思錄近
世儒家服膺張楊園於是先生粹然理學終老方壯
盛日銳乎有用世志顧連失意有司試侘傺成心疾
三載病矣道義之交顧訪谿徵君詒書慰礪諄諄以
賢詰相期於是先生爽然溫煇舊學疾若失而性行
益完時寄意詩畫友教鄰邑弟子咸知嚮學館榭溪
約同志拜楊園墓修完矧資買祭田畀張氏後人或
敬之或迂之同治初與同縣沈中書梓創翔雲書院

興起鄉里之學既絕意場屋游藝自娛倪黃績事陶

詩歐書遐邇之求忻然應之光緒元年有司將舉先生孝廉方正堅辭不應五年再遇庚辰重游泮水九年十月年八十四無疾告終遺箸文一卷札記四卷詩二卷題畫詩二卷十歲時有彌陀經注一卷配貞壽夫人馮氏子念棻今稱小匏先生者也孫祖壽廷慶宗善敏藻有行有文翰墨世其家學會孫四

貞壽夫人馮氏者年十八于歸處士四德純備事姑沈恭人謹中饋婦職喪翁之年處士方病喪葬經營無失禮處士恆館于外搢拄家庭督諸子學必儉而復堂文續

卷四

刻鶴齋藏板

理必嚴而溫性不喜事佛終身無入廟焚禱日卹下睦宗於節嗇衣食時有乞貸者樂予之告子孫曰吾家貧矣當念有貧於我者比光緒二十年年九十七矣循舊典計閭鄉黨以百齡達吏大府入告

恩旌其閭曰貞壽之門建坊焉井里榮之不獨其子孫也二十四年得壽一百一歲六月卒後處士十九年同膺大年亦云偕老已

贊曰人之君子天心從之康彊一室壽考維祺先生上智儒家大師學兼內外斲于所收收充譽盈餘事

不訾從其後人讀書弦詩家瑞達

國壽母令妻日敝簡策遇不可期家棄采風載筆歲
糴一二百祀孰與之齊無隱非顯山野閨幃

陸生傳

生名佐勳字飲和予友仁和陸召南子鴻之才子也
獻內交子鴻當同治丙寅丁卯閒心折其醴粹周乎
經生之色篤友容物多文有聲方壯而學子爭奉爲
老成予好盡言與子鴻周還垂十年無失可規而時
時幸君箴吾過也同治九年副貢生乃不中壽卒年

復堂文續

卷四

七
刻鵠齋藏板

四十二耳有二子次爲懋勳伯仲皆奮於學人文克
紹賢父獻去鄉十三年比歸則二子成立孝弟流傳
相見甚歡以生醴粹尤似子鴻幾欲折輩行與交恆
命兒輩曰汝曹當師事之生旣少孤婉婉母側母夫
人賢明斷斷教二子以立行生常篝鐙夜侍以志學
爲悅兄弟敬愛磋商切益進生敏銳時或讓仲尺寸由
矩終日無放言同學少年咸斂手以爲挹之不可盡
踰冠文行敦素馴逮大雅矣兄弟食貧以教授生徒
束脩養親賺賺於薄亦量入無不給自律至躶苦與

懋勳相愛若一身出入必偕服食恆讓美授室以來
築里離離母夫人顧而樂之光緒己丑懋勳舉於鄉
公車往來歸而怡怡以筆耕也生劬書謹信退然若
不足懇懇課弟子守經訓戒奸新務廣多所掖導辛
卯鄉試亦中副舉予方慰以晚成乃歲甲午之夏懋
勳又下第南旋六月生感疫癘猶在塾不欲曠生徒
讀比輦歸已劇闋七日竟歿歿時不啻亂與母絮語
若平時年三十一娶汪氏無子以五齡弟子嗣焉母
夫人之痛可知也七月獻自江夏歸懋勳來告相嚮
復堂文續

卷四

哭刻鵠齋藏板

哭失聲予慟陸氏兩世之交性行心許生意與子鴻
同以副貢生終其得年更短於父將何以爲良士勸
懋勳掬茶奉母兼兄任昌父學乃傷孤立矣生逮下
和厚接人以誠既沒親知多嗟惜不啻口出僕從往
往啜泣獻垂老方多門內之喪又爲亾友悲不獨獻
也卽歸安錢振常筇仙同里楊文瑩雪漁陳豪藍洲
皆引生爲忘年交者同抱此耿耿云乃雪涕傳生行
事俾其弟待嗣子懿凝成人出而示之

贊曰獻緝線無怙稍長奉手哲人佩服緒言闡治學

涂徑今者流離喘喙年踰六十倦游宦息景鄉井方
樂與後起秀良商量邃密庶乎敦謹之風義縣延於
朋輩彫落之後得一陸生而又中道徂謝若此秀而
不實謂之何哉殆不徒爲陸氏惜也

黃姚二烈婦傳

光緒十四年春二月癸未朔五日丁亥仁和黃烈婦
絕食殉夫死烈婦錢氏女父敬直隸知縣以女字黃
開甲開甲中壬午科舉人年甫二十其叔父新入翰
林門戶方起開甲以十三年六月娶婦迎歸婉婉拜
復堂文續

卷四

堯刻鵠齋藏板

姑鄉鄰以爲盛願開甲少羸善病婦心憂之將護惟
謹已而夫病大作謁醫皆束手婦乃封臂爇歆之凡
三封每進小間卒不起闔棺之夕婦頭觸前和誓以
身殉姑翼阻之於是與姑同臥起日夕涕洟被面臨
澆不進姑強之食則一溢米姑稍佗顧輒曰已食矣
時時趣姑召夫弟京師蓋開甲弟開綬侍祖母於叔
父編修君福楸京邸者一年矣時婢媪在者皆知婦
必死往往不食則亦困殆矣一日告姑曰侍寢且久

慮姑不適請異榻再三言之姑許之猶密防焉後旬

時昏暮獨處室姑召之夕膳婦辭曰微眩不能出大
人加浪姑覺聲息異常時問所苦曰無它俄而喉間
痰作輓輓然遂不語至丙夜不離坐而逝姑痛絕有
踰哭子時蓋距開甲之死八十五日也開甲死後婦
侍姑則曰胷中千百欲陳說無一語迷罔如何如是
者屢言之至異榻臥則又私語婢媪曰我恐傷老人
心也八十五日中不食居多卒以此死寒夜人定手
縫縑囊以所割臂肉置囊中一燈幢幢有婢侍側見
婦佩是囊也言曰吾與同斂以全父母之遺語有之

復堂文續

卷四

李 刻鵠齋藏板

死非難處死爲難烈婦一弱女子死志堅決一瞑而
萬世不視迹其言動何從容也抑亦儒門之女士人
之妻聞見夙矣死也其歸也然烈婦宜有憾焉君子
假年則可以抽簪勸學貽戚姑以令名今之死也志
則未竟如其身爲丈夫則又伏節死義者由此其遷
也詩曰實惟我特之死矢靡慝婦之謂與烈婦死時
年二十七狀上大府題請旌表

姚烈婦者歸安下昂鎮施氏女讀書通大義善吹洞
簫歸歸安學生姚樂莘戶部主事煇少子也婦嫁七

年而無子君舅以浙江書局總校往來杭州樂莘則館上海方言館婦從焉夫善病調護惟謹而樂莘日羸婦心憂之光緒十三年樂莘伯兄挈婦子自四川南下歸就父寓居杭州十四年夏樂莘疾甚藥之屢不瘳乃勸歸里就醫七月四日舟抵下昂至婦家入門不移時遂不起婦銳欲身殉顧茹痛謹治殮具送夫匱至姚氏先塋舅歸視則從之杭數日即告其妣曰舅年七十五有兄公在未亾人無子女累奈何以身累衰翁羣從子方自塾歸則又曰汝曹讀書立志惟忠惟孝居安思危古之致命遂志者皆讀書人也家人知有死志密防之九月念六日日向夕婦引所弄簫倚一曲終韻未絕闔戶寢遲明矣喉聲如沸徹戶外家人驚起排戶入視則嚴妝臥氣息懸絕乃趨翁書局歸視婦涕稍出絕矣檢篋亾一環蓋咽之以死凡上留書數百言乞從子嗣夫夫婦二喪當速葬久留益傷老人心斥簪珥治夫衾棺所餘猶足供營葬一一籍記之婦死年三十二歲嗣子鳳聲告哀杭

之衣冠殯上有司請旌如律令

譚獻曰烈婦侍夫疾同無子同黃氏有叔奉姑姚氏有兄公奉舅皆同兩烈婦可死矣吾治史籍可死而
不死者士大夫多矣亦且有名公卿焉凡此皆一烈
婦所不願聞者噫

書黃節婦事附

獻傳黃烈婦錢氏刲臂療夫疾不瘳卒以身殉錢固
未有子者同年黃君紫卿有繼室蔣孺人與錢同志
者也紫卿名福綬中咸豐己未副榜貢生同治丁卯
舉人候選儒學訓導未得官孺人食貧持婦職惟謹
復堂文續 卷四 空 刻鵠齋藏板

生一女一子曰復生未晡同治七年秋八月紫卿
寢疾十日且危孺人謁醫不治焦思愴惻則禱于神
告于先人中夜握刃齧左臂血盈衿裏剖肉一臠和藥
亨之鬻持飲夫入咽卒不效紫卿歿孺人浴血斂夫
入棺乃呼號搶地欲自絕也夫弟福綸泣言曰兄弟
止此呱呱兒嫂弃之殉吾兄吾兄地下問曰復嫂何
以對孺人曰敬諾遂不死臂創作乳斷復通拮据撫
曰復成立讀書至十五歲補縣學生爲童子師以養
今年二十二行取婦矣問業於予見黃烈婦傳泣而

曰母之不爲烈婦徒以有藐孤也志則烈婦之志也
獻感斯言撮子言所記書之黃氏何多賢明婦人邪
蔣孺人海甯儒者生沐先生第七女夫人又數人
以食鮑母黃夫人家傳

獻蓋覽觀黃夫人事畧慨然作曰天人之故微矣自
古在昔祈天永命金滕之啟辭曰以旦代某而世傳
往往以刲臂和藥顛神減算爲婦孺之愚抑亦知其
愚不可及乎愚不可及則誠不可渝請徵夫人夫人
甘泉黃氏女父曰个園先生女生而慧十三通經史

復堂文續

卷四

奎 刻鶴齋藏板

大誼慕古賢明婦人也夙年二十歸歛鮑大夫宗軾
爲新婦日翁疾則從夫侍奉無方病甚刲臂肉以進
乃瘥閱數年夫子之疾亦以是起之婢媪之口鄉黨
久而有聞知也曰鮑氏名族又得賢孝婦宜哉道光
季年徽州山洪汎居人徂飢大夫旣歿家穀鬻鬻糜
以食之夫人則念老羸不能就食乃率先婢媪製餅
救四出畀村閒食粥者方春去田閒夫人又遣人潛
布菜子隴上矣俄而彌望青蔥野老嗟異以爲神大
夫之修治箬嶺也礮石通道翼以闌楯夫人則嗇衣

食買田縛茅菴淪葑濟道渴有宵行者乞鐙去或送
燭還鐙數十年間號夫人亭咸豐初兵事起大夫傾
其家饜軍以守禦鄉邑夫人斥簪珥左右之夫喪家
落自揚州挈子還歛棠樾故居窮約以樂道教家而
村有世孝祠祀鮑宗之孝行族有義田卹四窮皆垂
廢復舉夫人命子家瑞不以盛衰間好禮之家風誠
至矣年七十三以光緒十六年十月卒卒之日鄰族
婦子棄耒廢織緇走哭兼旬日不止孝子家瑞年且
五十固孺子慕也二孫前卒曾孫二孫女三長者亦
嘗割股療父疾得旌夫人之教長矣世所謂愚孝
者能推之必能媿夫人之備善行而後其愚不可及
益信家瑞侯選訓導文行有家學

譚獻曰官欽日往來大洪嶺上下槃互皆二千餘級

中有亭刻石紀事云昔有賢婦人毀家治此嶺者故
平治至今心儀久矣十餘年而家瑞持母夫人事畧
涕泗乞傳今而後知古今人誠相及也哉

易道大矣惟地甄坤厚德載物則夫無成而代有終

者能養萬物無小非大自國而家伊古賢明婦人左
右雄駿君子以聲施至今者僕指而不能盡董母者
出自會稽湯浦士族吳氏其生稟柔靜能孝奉繼母
如所生年十七字董二十來歸孝睦勤禮相夫子學
閨檐閒庸行之謹不備書咸豐中寇事亟簣山府君
貿遷習于上海將移家而母尙留家田所入藏穀千
石母曰穀豈必吾家私告夫弟平直糶之以濟族鄰
並遠人以避地來者穀盡錢入時盜多竊發母曰錢

豈必吾家私益集民團既資以爲衛亦俾豪暴有來
復堂文續

卷四

奎 刻鶴齋藏板

歸者化以爲良夫弟又亟從之鄉井小安夫弟者名
世生金鑑嗣簣山君爲子五歲免懷卽毓於母者
也未幾賊大至燬董氏之廬母乃閒關達上海矣初

簣山君嗜讀書有文湛湛顧連不得志有司試弃而
耕且賈母治內以儉昕夕佐助生事日裕至是旅居
漸困府君將廓治生術母曰必擇術乃可久可大簣
山君於是與粵中所親以絲茶通中外商綱而題久
大顏所居以見志君有才識任俠好交游有用世志
將以資筮仕母則止之曰仕非爲貧將以濟物今事

畜有餘曷先其所近但得分飲宗親馴達鄰里蘇而
息之是亦爲政官守者見過易見功難耳母當轉徙
時嘗蠲金贖族子遭賊虜者十七人矣比同治二年
官軍復紹興府君始挈家歸則宗人益凋落箕山君
旣曲意任卹母於近支數十戶歲除畀糧婚喪贍費
有差今三十年如一日後又察無告者月分食米依
之至葺故居則族有治樸斲者載拙亦收焉茶利厚
傭食男婦數百人新居多間舍遂勸府君移棧于家
俾鄉鄰傭力者得食吾家稍多轉運耳然則坤德養
復堂文續

卷四

李 刻鵠齋藏板

物其斯之謂與同治五年箕山君病劇踰時始起母
侍疾亦悴矣則又曰夫主勞矣造家家已立庇族族
小休人貴知足曷輟商業兄弟怡怡課子儒術以息
餘年君然之遂輟業燕居多暇日門內愉樂昆弟合
爨無閒言光緒四年箕山君考終金鑑方善病喪葬
哀勞盡禮率母主之金鑑冠而好學免喪溫故母諄
誨孳孳金鑑承二人教篤好聚書數萬卷中多善本
又謀刻印董氏先賢書以當娛親之甘旨也母性簡
澹年七十歲卻子姓僮觴惟減佃人租助災區振而

已於今又十年莊謹和易無衰孱色久忘榮利故前
諷箕山君不出旋以金鑑氣體弱鄉試房薦不售遂
命輟試曰讀書明理彊爲善而已矣金鑑捐賑得敘
兵部員外郎銜爲母請太宜人封二十年甲午母年
正八十猶綜家政以故金鑑家居訪節孝修隄壩成
石埭理義渡無虛歲固母教之無虛歲也今年十月
皇太后六旬慶典高年命婦欽承
恩榮獻以董母賢明協大易之坤德遂詳書之備輶
軒之采云

復堂文續

卷四

卷

刻鶴齋藏板

皇清誥授資政大夫廣東布政使司布政使沈公行
狀

曾祖某 皇贈資政大夫廣東布政使

祖某某 皇贈資政大夫廣東布政使

父某某 皇贈資政大夫廣東布政使原任仁和

縣學教諭道光己酉科舉人

浙江湖州府烏程縣貫沈鎔經年五十二狀

公字芸閣世爲吳興望族教諭府君生三子公其仲
也生而銳敏同兄弟讀書學舍少有文譽時已有志

用世會兵事起浙西鼎沸公佐甯紹台道張大夫幕
府軍書旁午益練於事盡室避地甬上教諭府君卒
於寓廬公在軍中同治二年官兵克甯波府城敘功
候選訓導六年丁卯並補甲子科中式舉人次年成
進士卽用知縣發江西公乃夙抱民物之志願爲吏
以自試慨焉登車時伯兄卽世奉母之官八年十月
任長甯地界叢蔚多盜蹤出入旁縣難偵捕公約鄰
境互按送不使逋誅姦民斂迹十年補授貴溪令鷹
潭鎮天主教堂莠民一投名則官不敢問公坐堂皇

復堂文績

卷四

奕
刻鵠齋藏板

聽訟兩造有偁奉教者先痛榜之以奪其氣調署鄱
陽以貴谿民請留未赴越二年調補上饒奸人喫齋
不軌穴九龍山公鉤致其渠置之法亂乃不作政暇
與書院諸生徒講藝不倦文風且振又於四鄉勸民
積穀備凶荒光緒三年調署新建公蹈厲之氣至是
日損決獄平恕大計以卓異薦而公已捐升知府選
授安徽太平府去江西矣先是宰長甯日名捕劇盜
盜匿山村隸不敢入公躬至村前坐交牀呼其族諭
令縛獻不卽應公堅坐不行日移晷而得盜上饒諸

生健訟廉得數十人悉召置官舍飲之讀書朝夕講
肄秋試時罷歸士多改行比守太平江山勝處吏事
最簡公嘗謂所親曰居此鬱鬱久閒且致疾顧所部
有訟獄往往走太守得理彭尙書視水師往來江上
習聞公賢比公展謁立談尤傾賞騰章奏達使相李
公亦以人材薦公之枋用基於此矣蕪湖分巡道兼
治關權使者贖貨公與之忤投書千言傳誦至行省
撫部劾罷分巡而調公知安慶府公益用仁術煦然
如春八年大水蛟發潛山太湖旁邑宿松望江皆告
復堂文續

卷四

充 刻鵠齋藏板

災公行部盡傷先散麩餌擢小舟以拊老羸旋請大
府賑球停徵收廣蠲助全活至數十萬人時廷獻方
權懷甯令朝暮見公惻愴之仁設施之密欲助尺寸
而智力不逮遠甚承教而已由是循良日益箸聞晉
授安廬滁和道任事三月升廣東按察使公自知
朝廷將大用足展平昔用世之志嶺海阻奧萬國襟
處中外之襟要在是時法蘭西商人方構費海國大
震驚宿將重兵駱驛禦侮公鄉試舉主南皮張公總
制兩粵彭尙書開軍府海上公以九年十月入都兵

事方起海防纂嚴

召對日欽承

諭旨航海赴任公母弟官江南府同知母太夫人就
養江甯公配王夫人太夫人之姪也前卒于安慶公
獨身入粵纏繇

君國馳驅知己大受之期而致身之日矣廣南風氣
驚悍械鬪海盜多大獄莠民恃洋人爲護符豪族又
魚肉良懦公最長決獄夙夜治積案數百事持法既
平又以廉正風示僚屬和而不同素所蓄積然也明

復堂文續

卷四

七 刻鵠齋藏板

年春攝兩廣運司課賦大起主客之師方集金錢如
壑委公營務處調和羣帥廣偵諜裕度支尤嚴治壁
壘兵事允濟所司政令亦無不理雖智識兼人而心
力已瘁歲暮警報狎至巡行申儆與將卒共勞苦除
夜駐守海墻士氣益奮當是時張督部彭督師道義
期許倚若右手公亦傾誠自矢無反顧嘗報廷獻書
其辭回曲重有憂者十一年二月升授雲南布政使
粵防解嚴公繕完畧宇善後之政百爲且琴督部奏
緩其行公旣習粵事亦未忍去也四月奉

命調補廣東布政使時遣撤師徒移屯併戍散卒雲
布水潦方災公資送客眾振卹窮黎海疆甫定人心
恃以不擾吏治惰窳非一日公方以激揚自任望風
旨者且濯磨而藩司出內填委事涉中外徑遂爲難
委蛇之迹非公本懷是年八月後洋款屆期斬納京
師及濟鄰之饑運從衡交迫張督部公所經營尤閔
遠號令輒下藩司公日夜治事體素豐畏暑粵又炎
方夏秋閒已病矣不可小休公弟疾歿於江甯神明
盡傷乃迎太夫人至寢膳之視且以暇豫慰親心雖
金石有必敝之歎子姓僮奴皆憂之十月旣望祭南
海神廟勘牛山礮臺工閱日還治已暮督部手書訪
政丙夜使至公臥中呼筆硯手告盈五六紙擲筆著
枕痰逆眩懣遂以不起遲明大府以下知之驚悼失
聲弔者至布被蕭然如寒素公同鄉舉錢唐張吉士
預游廣州下榻使司親見之以告獻也公稟質過人
少習勞苦自奉儉約無純綺金玉之好聚書皆經史
掌故實用之籍華藻無益之文辭不與焉官江西日
印行當塗夏大令中西紀事本末寄其憂時之慨年

復堂文續

卷四

三
刻鵠齋藏板

甫五十名動

朝右顯擢大藩久爲當代名臣所器不欲以才諂蓋
羣吏而千人自廢又嘗推誠諮訪洞見癥結綜公生
平殆無一日不竭神明之用廉儉爲其餘事然於贍
族睦嫗所識窮之不恤假貸以濟其困天性孝友爲
同產弟妹謀尤備纖悉身沒之日不特無餘財也逋
負尙數千金賴彭張二公以下賻贈始得舉喪歸葬
也公生爲良吏沒爲勞臣雖未竟其用可謂不負所
志者已喪歸湖州王太夫人尙健在十三年 月壽
復堂文續

卷四

皇 刻鵠齋藏板

終配王夫人生子秉模官兩淮鹽運司運判孫念祖
念曾公旣卒官張督部彭尙書會奏請將已故藩司
循良盡瘁從優議卹並生平政績宣付史館列循吏
傳爲以死勤事者勸得

旨俞允遺孤以廷獻亦公同舉性行夙契又在皖趨
走堂階非一日乞纂聞見爲先公行狀獻方謝病解
官雖不文誼不敢辭謹次第大凡撰上史館備采擇
故吏仁和譚廷獻謹狀

金女江蘇江陰人曾祖鑑舉博學鴻詞刑部主事祖
捧閭歲貢生父諤蒙城縣訓導女生儒家習于禮尊
母訓少卽敬順好讀書通文義父母絕憐之將字謹
擇婿同縣舊姻繆宗慶世家子英雋有文乃委禽焉
已而宗慶溺苦於學疾遂沈痼死之前夕母女皆夢
宗慶衣冠隋堂未幾訃至女乃翦髮誓歸於繆父母
許之適繆成喪服備婦禮女祖母題所居曰松筠閣
時舅久客姑年六十疾作女奉養周至如事母也舅
歿京師姑病且殆賴以瘡宗黨益嘉歎以兄公伯英
復堂文續

卷四

三 刻鵠齋藏板

次子光佐嗣宗慶女撫之令就賢師傅學姑喪拮据
營葬除服爲嗣子娶婦王生女而光佐又死姑婦熒
嫠再嗣光佐兄子爲孫半年而殤女曰心力瘁矣吾
在爲先舅姑支門戶我死則已矣母氏聞之則迎女
攜王與孫女歸母家慰二親宗慶同產兄步瀛尙有
子議以兼祧女依母孝養無方兄弟皆出游至母病
卒醫藥棺衾盡誠盡禮淺葬樹碑石焉祭之日女曰
侍母久苦志惟母知今已矣可以從死矣一慟而絕
宗慶死時女年二十四卒年五十六守貞三十三年

終以身殉母也時同治二年冬十一月有司請於
朝旌典如律令

譚獻曰未昏守志儒者多異議顧 甲令有請者許
旌論定矣昔言守節易撫孤難嗣子授室不生男生
女再世孀嫗尤人世所難任卒以誠感家庭爲寡婦
立後亡夫無子而有子豈果好爲其難哉金石不渝
其至性然也晚乃殉孝人倫備焉

復堂文續

卷四

青 刻鶴齋藏板

復堂文續卷四終

